

TITLE: Chung-yang hsien chih / Chung-yang hsien chih pien tsuan wei  
yuan hui pien tsuan.  
EDITION: Ti 1 pan.  
PUB. INFO: Wu-chang : Wu-han ta hsueh chu pan she, 1991.  
DESCRIPTION: 809 p., [11] p. of plates : ill., maps ; 27 cm.

SUBJECTS: \*S1 Chung-yang hsien (China)--History.

LOCATION: Harvard-Yenching: 3185 2972.95

P. 791

### 三、重要文献辑存

#### 钟人杰移邻县檄文

辛丑年腊月

勤王救民中，敬告遐迩地方人等。从来民为邦本，本固邦宁。欲为国家培源气，未有不为黎庶谋康阜者也。我朝定鼎之初，神圣相承，省刑薄敛，厚泽深仁。造闾阎无疆之福，定朝廷不拔之基。乃考百余年后，上有圣君，下少良臣。种种弊政，难以备述；而赋敛之暴，尤令人戚首而痛心。试约略言之：每银一两，浮收不下二两，每粮一担，苛征不下二担。近年洋烟为贵，银价最昂，每银一两，折钱三串文。兼之水旱为灾，每粮一担，折钱七、八串文，将至十串文。小民终岁勤动，肉已割而疮难愈，官吏恣意催科，壑已盈而欲未厌。非文至而明置之死，即拘系而阴笞其生。完纳稍迟，即治以抗粮之罪；主师出控，即坐以告官之条。吁嗟乎！郑监门之不作，熟则献图；贾太傅之云亡，谁为流泪。故名为胥吏之侵害，实则州县如其狼吞；名为州县之贪婪，实则上官同为虎饱。于是乎君有恩，无由下达；民之憾，不得上伸。我皇上仗若辈从经国，而不知若辈甚为国忧。勤王等，目击时政之非，心伤民生之戚，欲体君心之仁爱，解斯民之倒悬，由是义起兵戎，权行师令，人心不期而会，军威不介而孚。射猛虎于山中，驱鳄鱼于海内。破民愁于一瞬，扶国运于万年。上天鉴此精诚，下民何用震怒。凡属友方，均系同仇，若能共襄国事，自应并占皇恩。倘味一时之宜，永受无穷之惨。特此传闻，尚其踊跃。